

Protocol 'Ban scol bek' (COVID-19)

Documento pa Mayor

E documento aki ta basa riba e "Protocol 'Ban scol bek' i.v.m. Coronavirus COVID-19" stipula door di entre otro SKOA, DVG, JGZ, Crisiteam y otro partner. Colegio San Antonio a adapta e protocol aki pa e situacion specifico di nos scol. Siguridad di cada alumno como tambe miembro di personal tawata e punto di salida di e documento aki. Lesa e documento aki bon y si bo tin pregunta tuma contacto cu directorado di scol.

Higiene y seguridad na scol

- Scol a traha un protocol pa alumno, mayor, ekipo di mantencion y miembro di personal di Colegio San Antonio. Di e manera aki tur persona a haya informacion y instruccionnan necesario pa por cuida di nan mes y tambe di otro.
- Si e alumno ta sinti malo e mester keda cas.
- Si e alumno bira malo na scol nos lo pone den un lokaal isola y lo yama mayor pa bin busk'e.
- Alumnonan cu malesa cronico manera asma, alergia, diabetes, epilepsia, etc. por bin scol. E ta importante pa e alumnonan aki sigui e tratamiento cu su dokter a prescribi.
- Alumnonan cu ta sufriendo di cancer lo mester haya aprobacion di su especialista prome cu e bin scol.
- Alumno cu ta sufri di un malesa cu ta afecta e sistema inmunologico por bin scol. Ta importante pa e alumno aki sigui conseho y tratamiento di su dokter y practica e reglamento di higiena como tambe distanciamiento social.
- **Monkapje (mask) ta obligatorio na scol pa tur alumno.** No ta permiti pa bisti solamente un shield, mester tin un mask bisti hunto cu ne. Shield ta opcional. Por kita e mask solamente ora di pauze pa nan come of bebe.
- Scol a percura pa tur lokaal tin awa, habon, papel pa seca man y tambe hand sanitizer pa por desinfecta man. Ta consehabel pa e alumno tin un hand sanitizer den su tas.
- E docente den e lokaal lo percura pa e alumno desinfecta su man ora e drenta y sali di e lokaal.
- Alumnonan lo haya den tur lokaal un lugar fiho asigna pa sinta. E alumno no por sinta niun otro caminda sin autorisacion di su docente.
- Den cada lokaal nos a pone mesa y stoel cla respetando mas tanto posibel distanciamiento social.
- Cu cada cambio di klas e docente lo desinfecta tur mesa y stoel cu e alumnonan a uza.
- Tur lokaal tin marcacion riba vloer pa indica distanciamiento social.
- Alumno mester mantene na tur momento distanciamiento social entre su mes y su docente.
- Alumnonan lo bay pafo durante pauze, docentenan lo tin pleinwacht pa controla cu nan ta mantene distanciamiento social.
- Na comienso y na final di dia e alumno por subi/baha for di tereno di scol uzando tur entrada. Esaki ta pa evita aglomeracion.
- E ekipo di mantencion lo desinfecta tur baño cada pasa 1 ora.
- Despues di scol e ekipo di mantencion lo haci un limpieza profundo den tur lokaal.

Instruccion pa mayor

➤ Prome cu bin scol:

- Tur alumno a haya e documento 'protocol pa alumno' repasa esaki cu boso yiu pa e ta bon informa di e proceduranan nobo na scol.
- Comunicacion entre mayor y scol por solamente via mail, telefon of un otro aplicacion. No ta permiti mayor riba tereno di scol.
- Mayor ta controla estado di salud di su yiu. Si constata sintoma serca e yiu, wante na cas. No manda yiu scol si e ta sinti entre otro:
 - keintura,
 - nanishi ta core,
 - tosamento,
 - dolor di garganta,
 - dolor di curpa,
 - problema cu hala rosea,
 - diaree of sacamento.
- Mayor ta yama scol pa indica cu alumno ta malo prome cu 8:30 di mainta na nos number di telefoon 5858021. Ora yama scol mester indica ki sintoma e alumno ta sinti. Scol tin e deber di inventarisa esaki pa DVG y JGZ tur dia.
- Si sintomanan persisti ta consehabel pa hiba e alumno dokter. Mayor ta informa scol di resultado di e bishita di dokter.
- Si alumno bira malo durante periodo di prueba (toetsweek) mayor ta yama scol pa avisa cu e alumno ta malo prome cu 9:00 di mainta. Ariba e mesun dia e alumno mester presenta na Medworks pa un control medico entre 8:00 y 10:00 di mainta. E carta mester wordo entrega na administratie.
- Si mayor kies pa no laga yiu bin scol mester avisa scol y SKOA
- Alumno mester wordo baha 7:30 di mainta na scol, **no mas prome**. Alumno mester wordo busca asina su scol caba.
- Pa evita transmision di e virus, nos ta pidi pa alumno bin cu su mesun boter cu awa. **No lo por haci uzo di watercooler.**
- Alumno lo por cumpra cuminda na cantina durante pauze. Cantina di scol a organisa un sistema di haci pedido y busca cuminda teniendo distanciamiento social na cuenta y reglamento di higiena stipula door di DVG. Tambe por bestel cuminda via whatsapp di cantina.
- Tur regla di scol ta keda conta (uniform, jacket di scol, no renchi orea, jeans kibra etc.).

➤ **Ora yega scol:**

- Mayor ta baha su yiu entrante 7:30 am.
- Alumno ta bisti su mask prome cu subi tereno di scol.
- **No ta permiti pa mayor subi tereno di scol.** Por tuma contacto cu scol via nos number di telefon, email of via mentor di boso yiu.
- Mayor cu tin un cita cu directie mester subi tereno cu mask bisti.
- Pa evita aglomeracion pafo di cura di scol, no ta permiti pa alumno baha for di auto y bay cumpra cos pafo di cura di scol, si kier haci esaki mester hacie prome cu baha yiu na scol.

➤ **Ora di bay cas:**

- Pa evita aglomeracion pafo di scol nos ta pidi mayor pa busca boso yiu na ora.
- Ta importante pa tin un fluho continuo di trafico dilanti scol, si acaso bo yega y bo yiu no a sali pafo ainda, dal un rondje y bin bek .
- Ripiti tur instruccion akiriba atrobe e siguiente dia.